

左龠外集

十五

五十五

左龔外集目錄

卷十五

廢舊曆論 三頁

信義論 二頁

駁嵇叔夜養生論 一頁

駁何衡陽報應問 二頁

定命論 九頁

附講學詞

餘慶餘殃論 二頁

心感論 四頁

刑禮論 二頁

君政復古論上中 七頁

立廟議 二頁

聯邦駁議 廿一頁

行政及自治

財政

教育

衛生

警察

社會

交通

農業

工業

商業

卷十正

五查表目錄

廢舊曆論

古曆之法以三百六十五度四分度之一爲天周日日行一度即一歲之數也因置節中數各十二基初度于牛躔終餘分于斗極翕爲二十四氣析爲七十二候日行十五度三十二分度之七即一氣之數也若夫歲實消長日躔盈縮天周歲周之異度餘歲餘之分原其進退之行察其出入之驗雖著距離之實靡傷擬附之同故日周之度恆與星度相符氣周之度必與日周相應中星既正則天運有常分至既平則日行有準至於考二氣之升降推寒暑之迭運察五星之見伏稽八風之終始候雲物於觀臺極卦氣之符驗古辨敘事惟准節中行之於上則庶績咸熙施之於下則民時敬授用是啟蟄而郊龍見而雩昂中收斂水昏栽築率因八節之差靡涉四時之位其在禮運記曰日星爲紀故事可列月以爲量故功有藝以日候事具有典

常綜厥大原概同西術日有分至四周而景復初閏日之方也
長至元辰郊祀朝饗歲首之擬也冬至子午夏至卯酉歲遷六
日終而復始陽曆之法也是知儀象所揆晷漏所覈審日次之
所窮極斗綱之所建先天候其餘始執杓驗其平分不忒夙離
无失經紀乃夷夏所齊同非殊邦所獨至特地轉日行古今異
測若夫月次十二三月成時審朏朏以定朔測弦望以課密所
以辟還宮於律度驗合朔於交會示頒朔之常序交蝕之軌也
其在周官經曰太史正歲年之序事中數爲歲朔數爲年譬之
經緯相成殊途同歸又古曆章首朔至分齊上極曆元至亦在
朔漢魏以降頗易前經然經以四時欽以月次齊以分至啟閉
之差治曆明時相承無改斯實推筴之上經占天之妙蹟天方
妙彥未洞幽微大秦疇人愧斯眇密何則近今西術有歲無年
舊曆表裏陰陽歲年並建譬諸敷算此偶彼奇析偶爲奇奇該

於偶又如制禮始稅終文易簡爲稅漸進爲文文以飾羣無取
易簡夫列廛市錦錯彩斯珍海國聆琴複音滋尙於物猶然矧
於曆數是知精麤之度判以周疏參伍之變極於錯綜清臺所
課百世不能易也輓近曆工謂爲陰曆儕諸希臘之舊章擬以
澳非之夷俗夫邃古洪濛裔夷狃獷以晦朔之循環表運流之
代謝日躔之度布策莫知即或數極日分象稽辰極正長短於
晷景劑盈虛於氣朔然閏有常經誼率未寤易從西術足泯偏
踦諸夏曆書顧與舛異彼以日月運行月舒日疾中朔不齊齊
之以閏約朔虛於歸餘會氣盈於歲法用是履端於始歸奇於
扚發斂之氣罔踰昏明之期可測日法月法異其分章閏閏餘
同其數調列會軌无差膚寸綜貫終始若合符節是則舉正於
中旣契天行之度正時以閏足劑月建之平若復殄絕閏餘廢
斯月次則是交文之錦不入五都迭宣之音弗登六律棘成有

從質之襲鄒賢无入幽之嘆也今之論者以日爲眾陽之精月
僅衛星之一以月配日籀實斯乖夫圖陳納甲術闡參同莫不
準月盈虛與時消息又潮汐往來息於朏朒羣陰化淵望實晦
朏階莫數莢于哉生朱艸彫英於終魄以言因應則履候弗愆
綜彼幽微則準萌靡自是則列宿有恆月實邇地感通之適通
於太和同氣相動无間隱顯又復稟日餘輝助斯宵曜弗愆載
魄之常用副夜光之實故曰日往月來相推明生百星之明不
如一月之光且懸象著明表識易資旬有後先察而可識先王
準彼朏茶率其羨會以月統旬以旬繫日次陬畢之名象星周
之數立正首以歧三統順陰陽以敘四時不乖欽若之經寧陷
無徵之化至於徑周小大日月懸殊陽德陰靈擬誠非匹然西
教典彝七日來復曲立曜名以月次日是彼非此寧非矛盾若
以閏附日餘天無是月則閏無中氣斗指兩辰黃楊有厄歲之

徵梧葉表畸零之度符驗昭於物象機感肇於自然天道所成
五年再閏民生樞機於是乎在閏非常月豈通論哉顧乃取臬
殊方詭更昔憲棄軒后之星曆革夏時之大順建首兩存旣淆
視聽曆元靡準復昧本原無俾齊一之觀徒滋撥本之惑昔九
黎亂德羲和失官有扈弗恭三正胎藉用是楚語垂箴夏書昭
倣替興之故具有前徵今者月名具存晦望失準廢時失日甲
子弗知敗度之愆寧殊前轍勢必孟陬殄紀攝提失方占往蔽
其源綜數佚其文作事偁其時考類喪其象悲夫

年出賦文大涼尊德神機公孟卿公
為晉興之始具言前經今者民得其
樂而國治矣夫自古以來三五創華
開闢之初雖有聖王如堯舜禹湯其
時亦未可謂無事也然則聖王之興
非以平再問足坐鎮撫外長平五
閭非常民豈能備禦哉此泉

信義論

論語有言民無信不立信者一成不易其德體于自然純朴積而貞固成竺實修而剛建著信立于內而義彰于外春秋晉獻公立庶使荀息傅奚齊里克之難荀息死焉孔子賢之書曰及其大夫傅家以爲不食其言謂死者復生生者不媿也息之言曰吾言既往豈能欲行吾言而又愛吾身乎雖死焉避推是論之信具于先義成于後矣信之在人其猶枝葉之有根榦乎由隱而彰出微而著義之立也莫之致而致矣何則執一者果行而犯難安貞者顛沛而不違志定于弗回期誓于歿世也是以義無二計則懦夫成勇匹夫守志則三軍可奪本立道生有必然者往者伍胥誓必覆楚申包胥曰我必能興及吳入郢七日哭于秦庭卒乞其師卻吳存楚趙氏之難公孫杵臼謂程嬰曰趙氏先君遇子厚子彊爲其難者嬰遂奉孤俱匿山中一十五

年晉史書之嗣則豫讓要離湛身于吳晉荆軻聶政授命于燕韓夫以數子之才當周之末世非有慶忌之捷望散之謀徒感一言効之以死白刃不能蕩其守千乘不能移其情榮烈顯于當時勲效傳于百世是誠至德要道通于神明明堂可登金石可勒自上世以來未有感物動民如此者也繫古明王鑒于民聽之易惑而信義之足以感人也能盡其心則能盡其力是以詩詠好德糾糾腹心禮有策名委質無貳俾夫股肱禦侮之助佐以義勇果敢之節出于萬死無生之望曾無持忠入地之恨此商周所以扞城其民使之身安而國家可保者也迄夫民德寢衰至誠道息巧言有屢盟之刺谷風有棄遺之嘆咎在俗弊後世因之不意邇來淩遲彌甚轉易捷于反掌循環迅若波瀾久要棄而若忘永貞替而弗竺百爾安其所習後生視若固然嗚乎詩刺無良二三其德此白華所以興怨而小雅所由懷舊

俗也夫布衣相與尙有歿身雖在挈瓶守不假器至于食言忘
惠殉祿失身利害移心誰同憂責設有分崩之豐左衽之憂野
無蹈海之夫國無結纓之士則是季路仇牧專美于前而狼暉
不占之風寂寥于後也誠使天道輔誠君子務本勵賢崇化爲
國所先是宜改薄從忠以順三教滌澆浮之靡俗宣淳厚之洪
風俾夫志士仁人體妙純德綜春秋所褒貶存詩人之遺詠上
顧申程之餘烈追慕荆聶之美蹤內無異心外無異望不爲燥
溼重輕不以死生易慮施之爲政則有永年之功保乂邦家則
有苞桑之固矣

卷之四

將軍不以漢中長城之公卿臣承平之良將又
願申歸之翁然服慕惟恐之美雖內無異心外無異望不爲
風野夫志士中人豈效蘇秦張儀之說乎人主之欲
國治民安宜如蕭何張敖三邊之難而守之固守宜如
不古之風竊寒于對也婦對天鼓神婦保千壽本懷寶
無國壽之夫國無壽縣之士限其率制此郊專美于前而
惠臨病夫其時善爲小指則長貴焉官位顯之豐盛焉
爵也夫亦究其與尚官與長觀其學雖守不歸器至于貪言

駁嵇叔夜養生論

性汨于慾漆叟所嘆飲河酌海從性斯畢養生家言引端耽周
內守七精外珍五耀至云上藥養命中藥養性性命交養慾莫
甚焉往涉道藏粗殫宗准知彼僊徵惟衷骨格僊稟自然寔梯
夙植修短之數寧或弗然嵇生知僊弗可學顧云養生延年卽
事而談罔非矛盾何則僊雖小道長生爲僊儻回塵劫之中隱
顯天人之際長非不盡之名生豈恆存之謂跡徵朝莠則昏旦
爲休數極經咳則天齡爲促使寸晷之陰可益斯億齡之說非
奢辟之跬步不舍千里可致涓流所積江海以成緒以引而益
長跡因恢而成廣道匪二途理寧二致如嵇生論則是知二五
而不知有十也竊以求僊養生心惑不貳年弗可求寧論大小
至于同稟太始俱服五常駐歷之術旣虛一概之功奚益庖刀
之喻寧洞義宗湯稼之徵亦乖眞眡吐故納新祇益勞瘁服食

駁何衡陽報應問

近讀何衡陽集至達性論答宗居士書軒轅儒釋虛畫瘡瘡崇
深未窺顏宗二哲往復伸難足使迷途自反異見杜口乃所作
報應問諍者顧鮮慮滋世惑駁之云爾

蓋聞水火有氣而无生草木有生而无知有知之屬稟氣成生
血氣所含同揀樂生之性神識不滅宜章感應之理故慈力應
物不以翺動殊貫神道冥默不以隱顯異軌由隱之顯則同宇
異體各正性命由顯推隱則積因成業咸陶冥化未有崇致人
道黜遠生類者也何氏以眾生之名爲施庶物役物爲養于義
靡愆夫五行之精人物同稟含生不殊情想均等愛軀重體未
應有異今以智力懸絕便抑冥應則聖哲挺出每絕常品亦可
夭殺弗辜斬艾民生耶又應報之跡未曉物緣惟資近驗取符
見事故鵝燕二徵弗計三世不知殃慶之乘匪主現境爲福无

善應知所應基于往因殺生无惡報知所報迨于來業交臂代
謝相續回轉同合消散罔可極窮妙化所彰既蓑裘之代御夙
命所甄亦析符之复合特緣有後先至有遲疾疑似之嫌于是
乎在若範圍聽眠營穴偏執以弗睹生滯以萬劫爲奢則是盜
跖壽終驗隣于獎暴嬴偃覆國誠垂于好仁料度差舛奚以示
世何氏又曰若謂禽豕无知人識經教斯則未有經教之時畋
漁網罟亦無罪也無故以科法入中國所以爲民陷穽不知太
上貴德次務施報天造草昧卽萌厥理祇園四諦稍顯其用故
或存名而漏跡或晦文而顯實亦猶膚寸之雲潛彌六合四瀆
之流默涵九服特津逕所示無因弗睹心華所表有緣斯出緣
運未啓必假經教非經教未著罪福弗施也夫鄉曲穽夫陬隅
萌庶不睹象魏之懸弗聆詳刑之告罪或麗罰未聞肆眚王治
旣然幽明奚判今以民識經教斯陷科法然燹火揚炎弗以矇